

西山先生眞文忠公文集

西山先生真文忠公文集卷第三十九

啓

謝林侍郎薦舉啓

伏以月評甚下魏南州名士之稱露奏忽騰辱
西清近臣之薦竊以大賢之題品宜為當世之
觀瞻凡其汲引人物之間要必深為風俗之慮
呂正獻

則歐陽子首薦其賢范太史

靜退自將故司馬公力揚其善于以抑置浮之
習庶幾得真實之材比年以來斯道交喪舉孝
無而奪貴戚之命嗟請謁之交馳見相君而掃

舍人之門曾奔走之莫耻其或稍嚴於出處退
然不急於知聞非以踈狂傲世而招尤則以詭
激近名而獲訾人材圯陋士氣摧頽伊欲挽回
流弊之源莫若深獎廉隅之操使之持身重於
圭璧則其衛國隱若金湯諒非我公誰識此意
伏念某自知甚審所挾大迂早歲科名似未忘
於祿仕平生志願端不在於輕肥願嘗安窮達
之天其敢作清華之夢閉門讀書史方加涵養
之功恒願奉君侯肯事嘯嚅之態縱舉世不知
而何損惟鉅賢見遇以為榮猥需一字之褒奚

翅千金之重茲蓋恭遇某官孤忠自許直道不
回栢臺彈奏之公若判白黑荷橐論思之益如
炳丹青屬紆丈二組以為州造奉尺一書而薦
士不緣造請首及羈單孔丞相恐人之知於今
復見魏獻子唯善所在碩我何堪某敢不敢佩
殊知誓堅素尚雖舉賢本於報國初非種桃李
之私然盡節所以酬恩尚益勵松筠之操

除國正謝丞相啓

伏以燈火十年未窮古學絲綸一札遽列儒官
恩大人微秩清責重竊以膠庠之地風化所關

藝相肇基聿興文治高皇載造重煥舊規皆當
干戈鞍馬之餘不廢禮樂詩書之教豈育材造
士姑崇藩飾之空文蓋扶世導民中有維持之
深意是以百司錯峙庶務至興獨惟學校之官
不青簿書之事講磨道誼若亡歲月可見之功
植立綱常寔為風俗無窮之計故凡列屬尤重
掄材揆厥成規率東縉紳之清望取其卓行問
招巖穴之逸民苟非其人曷稱茲選如某者自
知其審所挾太迂雖蚤從先生長者之游亦猶
識徃行前言之略而檢身律已未能亡媿於官

庭琢句雕章徒以自慙於肝腎所患脩名之不
立初何榮望之敢萌矧方馳羽檄之書顧焉用
毛錐之子但期退屏侶江海之魚鰕敢意超升
儀園林之鴻鵠忽拜西垣之詔俾橫東序之經
況夫官以正名職非他比豈第循故事預司翰
墨之盟要日與諸生共由仁義之路俯慚不類
預恐難勝茲蓋恭遇某官懋建遠圖博收羣策
謂學俎豆不學軍旅雖平生無應務之才然用
樂石無用膏梁蓋治道有相資之具故於經武
整戎之際不忘崇化厲賢之規肆及微蹤亦塵

清列某敢不恪勤所職益勵厥修敷古訓於春
誦夏弦之餘願殫樸學作人材於月書季攷之
外冀答殊私芟芟自陳惓惓罔究

除校書謝丞相啓

上翰林主人之對繆貢芻言陪瀛洲學士之班
遽塵華選拜恩寵甚拊已瞿然竊以聖朝重英
俊之儲冊府萃圖書之富匪獨養其資望蓋將
充乃見間使旁搜博覽優游文史之清庶潛省
黑觀磨礱器質之美顧作人之有道殆與天而
同功故止我旣盛於一時而豐芑尚遺於數世

大者光明魁壘足以翼邦家小焉靖重端長可
以善風俗深嗟流弊浸異前規育材之意祇以
具文充職其間指爲借選至有身居儒館心別
驚於高華名在書林手弗親於黉校鄙習相仍
而弗悟清涂公是以反輕力回此風政賴今日
不有魁奇之彦孰堪米擇之公如某者冥頑不
靈孤苦自奮蚤服師資之訓粗知問學之方連
歲科名似未忘於進取平生志願端不在於輕
肥偶黠班行坐廢廩稍警宗殷學亡補斯文博
士秦官何裨末議雖本爲貧而漫仕未嘗枉道

以求伸胡然誤恩陟定清貫念昔脫身於場屋
益思銳意於簡編然家無鄴侯插架之藏徒日
發童子下帷之憤今將徜徉東觀凌歷西崑閱
河圖寶訓人間希有之珍窺金匱石室歷代不
傳之秘刊訂譌謬咀含英華庶幾因文字以觀
聖賢之用心夫豈假梯媒以爲富貴之張本昔
楊雄之登天祿蓋二三世而不徙官而韋述之
在集賢亦四十年而后卒業故能發揮大典焜
耀方來此前修之所已行而小子之所願學迄
戍微志有賴洪私茲蓋恭遇某官直道不回孤

忠自許軾排羣枉已去虞朝之四凶汲引衆髦
常思孟氏之三樂至如不佞亦在無收且令身
遠於囂塵得以神交於篇牘期待過矣銘藏謂
何某敢不淬磨新功尋繹舊業丹鉛事點庶可
不殫是正之勞金石無縑磷尚克守初終之節
過此以往不知所云

賀諫議啓

恭審帝眷上坡詔升左省侍講華光殿禪聖學
之緝熙拜疏延英門罄忠規之剴切班聯益峻
風采一新竊以國有直臣淮南之謀自宸朝無

姦黨河北之盜易平蓋邊虞雖警不足憂而骨
鯁之人爲可懼載仰仁皇之世方興西夏之師
謀議前陳孰匪急禦戎之務聰明遠覽獨首增
論事之官由其紀綱立而百度修所以根本疆
而四夷服維今盛舉興昔匹休恭惟某官道出
義皇學根洄筆補造化豈東京才子之可倫
策陳天人爲西都大廷之首冠朱絃比直王鑑
侔清冊府系年不改安恬之操諫垣暮歲獨高
謇諤之風志存家國而不近名誠燭朝廷而亡
遺慮屬方多事尤賴告猷拾禁闕之遺已無漸

於長孺補袞職之闕顧誰越於仲山眷倚不移
觀瞻增重方將紆長策以康國步矢良謬而沃
帝心扶公道之脉於將微建太平之基於弗墜
歛然衆望屬在我公要當遺萬世之安豈特徹
四郊之警某方疲遠役側聽除音有諍臣七人
端爲明時而喜呼太平萬歲倚新盛事之觀抃
蹈之私數陳不足

回鄭狀元啓

恭審臚傳王陛名冠璇魁自慶元屢策大廷孰
若今日四門之闢雖長樂昔多首選未聞同時

三浚之登鯁論獲伸鵠行相慶恭惟狀元簽判
大著正學傳心本洙泗之舊妙齡發聞有楊晏
之風適九重側席以思賢乃千里彈冠而應詔
歷陳偉論深究大原謂治亂安危之勢不常要
致察於已回之始而便嬖昵近之私易惑當預
防於未兆之先惓惓殫憂國之思鑿鑿盡遠時
之用昌言天下之事無諱有司親結人主之知
褒爲舉首夫旣擅儒林之榮觀政須踵前輩之
高風昔呂文穆之事熙陵若王沂公之相仁廟
科名岌業旣獨步於一時功業光明後可傳於

萬世伊誰儼美允屬當仁身到黃扉自是榮涂
之素定名標青史要觀盛烈於無窮某學本空
疎識非超卓群多士而試以藝選掄雖預於司
存取一人焉拔其尤裁擇端由於上意猥先在
駕辱況長牋第深蘄望之情莫旣敷陳之素

回孫狀元啓

伏以璧水蜚英夙高士望玉階上對果亞倫魁
新六館之榮觀壯七閩之盛事恭惟某官清標
絕俗勁氣橫秋學探精微期欲造聖人之奧身
立窮約常懷憂天下之心筋躬允蹈於規繩抗

志弗渝於金石比承清問獨罄丹衷深陳主德
隆替之由力辨國論是非之正雖明白峭直不
為矯俗之言而溫厚深醇自得告君之體衆共
稱其卓偉公特出於緒餘夫豈惟儒者之至榮
要必慕古人之盛節昔仁皇帝旁搜於多士若
韓魏公擢在於一人碩科第之相同不知其幾
而勲名之有爛獨到于今願恢他日之遠圖罔
俾前修之專美其濫陪較藝欽誦奏篇以直言
取人蓋當宁留心之方切得名士報國在有司
何力之足云猥先枉駕之臨申賁長牋之祝念

友直友諒既素辱於心期不以頌以規其敢忘
於古誼

回黃狀元啓

右科擢秀才已敵於萬人北闕傳臚名更聯於
三傑維今獨步繁昔恥聞恭惟狀元察推大著
負抱環竒見聞殫洽曩談玉帳擅曾中百萬之
甲兵今對丹墀富筆下三千之禮樂歷數方今
之急務有如素宦於清朝迺若大正朝綱廣開
言路蓋衆人之未及尤上聖之急聞峻擢鼎科
式符輿望矧鴈序同登於千佛而鰲頭並出於

九仙夫既為儒者之至榮要必蹈古人之大節
昔趙康靖之盛德藹然一代之宗若陳忠肅之
高風凜乎百世之下俱繇此選稱至于今願恢
他日之遠圖罔俾前修之專美其濫陪較藝欽
誦奏篇以直言取人蓋當宁留心之方切得名
士報國在有司何力之足云猥先枉駕之臨申
賁長牋之脫第深榮感莫報珍投

賀平江李大諫除寶學啓

某恭審不貶褒詔峻陟隆名昔抗論諫垣綽有
古爭臣之烈今陞華奎閣亟聯真學士之班帝